

SULIT

**PEMBERITAHUAN PERTANYAAN DEWAN RAKYAT
MESYUARAT KEDUA, PENGGAL KELIMA,
PARLIMEN KETIGA BELAS**

PERTANYAAN : LISAN

**DARIPADA : DATUK NOOR EHSANUDDIN BIN
MOHD HARUN NARRASHID
[KOTA TINGGI – BN]**

TARIKH : 26 JULAI 2017 (RABU)

SOALAN NO.57

Minta **MENTERI BELIA DAN SUKAN** menyatakan sejauh manakah aspirasi peserta-peserta belia dialog TN50 dapat mencerminkan gambaran sebenar negara pada tahun 2050.

SULIT

JAWAPAN

Yang di-Pertua,

1. Untuk makluman Ahli Yang Berhormat, Program TN50 ini telah dicetuskan bagi mengumpul aspirasi rakyat negara ini tentang pembangunan negara yang dihasratkan untuk jangka 30 tahun akan datang. Justeru itu, Kementerian Belia dan Sukan (KBS) telah dipertanggungjawabkan untuk memulakan wacana dengan kumpulan belia hari ini bagi mengumpul hasrat dan aspirasi tersebut. Bagi menilai sejauh mana aspirasi-aspirasi peserta-peserta belia dialog TN50 dapat mencerminkan gambaran sebenar negara pada tahun 2050, ia perlu melalui empat fasa yang telah dirancang seperti berikut:-

- i. Fasa Pertama - Tema dan aspirasi utama TN50**
Memahami persepsi serta pandangan belia terhadap tema dan sub-tema TN50.
- ii. Fasa Kedua - Bidang keutamaan TN50**
Memperhalusi dan memperjelaskan tema-tema/aspek transformasi utama.
- iii. Fasa Ketiga - Penzahiran aspirasi yang lebih jelas dan mendalam serta cadangan maklumbalas/tindakan berdasarkan tema**

SULIT

Membincangkan dengan terperinci aspirasi-aspirasi yang telah diperolehi melalui perbincangan kumpulan pakar. Perbincangan juga akan menjurus kepada cadangan-cadangan kearah merealisasikan aspirasi-aspirasi yang diperolehi.

Sehingga kini sebanyak 7 sub topik telah dikenalpasti dan dibincangkan dengan terperinci oleh Kumpulan Masa Hadapan (*Circle of the Future*). Topik-topik ini adalah seperti berikut:

1. Persekitaran hidup yang sihat, mampan efisien dan selamat;
2. Gaya hidup yang aktif, bersemangat dan mesra;
3. Ekosistem pembelajaran yang relevan, menyeluruh dan berterusan;
4. Pengaruh utama di pentas dunia;
5. Ekonomi yang berdaya saing dan terkehadapan, dipacu oleh tenaga kerja yang berkembang maju;
6. Model pentadbiran awam yang efektif dan seimbang; dan
7. Masyarakat yang inklusif, terbuka dan bersemangat.

iv. Fasa Keempat - Laporan belia TN50 serta pelancaran *pilot* inisiatif

Menghasilkan laporan daripada dapatan yang diperolehi sepanjang tempoh 2017.

Sekian, terima kasih.